


*Soberana Pediatrio certigos
protektion de la infanaro*

Image not found or type unknown



Klinika provo Soberana Pediatrio

Havano, jun 29 (RHK) La imuniga vojaĵo por infanoj ĉus komenciĝis, sed estas certeco - kiel konfirmita de la kreintoj de la medikamento kaj subtenata de la fido sentita de la gepatroj de la volontuloj - ke la kuba scienco ne malsukcesos

La etaj brakoj de Omar, Jade Nathalys, Fabio, Juan Alejandro, Lizz Alejandra kaj 20 aliaj infanoj ricevis la unuan dozon de Soberana 02 ĉi-lunde, kiel daŝrigo de Fazo I de klinikaj provoj en la infana loĝantaro, ĉi-foje, kun 25 volontuloj inter tri kaj 11 jaroj kunvokitaj al la Infanhospitalo Juan Manuel Márquez en la ĉefurbo.

La vakcina kandidato de la Instituto Finlay de Vakcinoj atingis la plej malgrandajn infanojn post montrado de alta sekureco ĉe adoleskantoj inter 12 kaj 18-jaraj, kiuj la 14-an de junio metis sian ĉultron por ricevi la komencajn injektojn de tio, kio estas la unua studo ĉe neplenaĵuloj per imunogeno kun kontraŭ-Sars-cov-2 nialande.

Al la rigoraj protokoloj por administri la procezon kaj al la bonaj klinikaj praktikoj, kiuj respondas al studo de ĉi tiu amplekso, aldoniĝis la magio de grupo de terapiaj klastroj de La Colmenita, kun la ĉeesto de ĉia estro Carlos Alberto Cremata, kiu en ununura frazo resumis la subtenon de la grupo gvidanta ĉi tiun klinikan provon: "La Colmenita estas je la servo de Kubo, kiel ĉiuj kubaj mambisoj kaj ribeluloj."

Tiel, inter ludoj, kantoj, ridoj kaj lertaĵoj por distri la doloron de la injekto, la unuaj horoj de la studo pasis kun la plej junaj, en tago, kiu ankaŭ malfermis la pordojn komence de la Fazo II de ĉi tiu klinika provo kun pli granda grupo de adoleskantoj inter 12 kaj 18 jaroj.

Fonto: Granma

<https://www.radiohc.cu/index.php/eo/noticias/nacionales/262199-soberana-pediatro-certigos-protektion-de-la-Infanaro>



Radio Habana Cuba